

道古堂詩集

道古堂詩集卷十二

仁和 杭世駿

大宗

歸耕集

同人泛舟蕙江歷探西石大黃諸勝

諸山環縣門彌望青可數  
沿洄趁落潮清響出柔艣  
嵐光動搖中倒影更妍媸  
曠觀怡客情攬勝始江滸  
言尋招提遊瞻對梵夾古  
修廊不逢僧陰殿忽來雨  
藉茲滌囂煩豈敢惜腰股  
攢身躋層巔縱目萬景聚  
荒塗浩浩茫茫秀色連極  
浦振衣天風高長嘯動林  
莽

臯亭競渡

佳辰觀渡上塘河山色揉藍水熨羅風約畫簾吹暖氣  
舟穿粉郭出清歌村橋照影吟身健晴日烘衣豔思多  
只恐蒼茫動魚鑰醉邊欲借魯陽戈

十硯齋咏桐樹用東坡和子由園中草木韻

幽居愛依山美蔭不離目意行聯朋歡迢遞出深麓理  
檝遵河梁款乃莢寒玉入門青桐高寫作一檐綠上枝  
巢孤風下以覆叢菊大葉時吟風客至奏清筑嗟爾凌  
霄姿跼縮在巷曲

孤山尋竹閣舊址

一撫簷簔認典型閣荒猶得埽烟屏日當空處密無影

塵不到來惟有青陳迹漫勞秋士弔清聲  
畱得野夫聽  
瀟瀟雨夏涼風動飛出林間幾點螢

范寬秋山行旅圖

蒼峯高不極亂插如著簪須臾陰厓闕青儼初出藍始  
知夜雨大變換朝來嵐范寬爾何人泚筆秋意含山坳  
洗頽雲幻出孤僧菴童僕旅卽次與馬真成三荒塗意  
何之豈遂窮幽探茆屋壞橋側俯瞰千尺潭涼氣襲四  
野厲揭何由堪

壽春菴尋許大綸不值

一雨數峯碧攜筇上藥坡野情便梵放微尚托巖阿古

寺半修竹陰厓徧女蘿幽人不相待吾意肯蹉跎

集清勤堂金處士

農

以洞庭春茗餉客

木瓜樹大紛蔽階先生晏坐清影皆西風打窗送涼雨  
秋士續續來高齋齋前石鼎平不頗童子開門敲石火  
忘言相對捶玉琴落葉忽驚飛鳥墮拾尋篆字青蟲蝕  
掃葉煎茶仍樹側定甕清泛乳泉香中有春初洞庭色

南屏

釋篆玉

讓山

深草已沒莓苔階蟲聲唧唧吟聲皆烟霞肺腑本常  
淨清泉白石時爲齋秤量茗水無偏頗柏子香消灰  
剩火沸湯恰當落葉初簸簸疑聞秋雨墮季疵經被

蝸涎蝕先生棄擲殘書側別有三昧問老謙一壺冰  
雪浮春色

新秋南屏山房坐雨

已公茅屋愜幽期把玩秋光坐不移過雨始知泉脉大  
得風頻詫樹聲奇香廚施客遲聞磬竹戶邀山短著籬  
同有鬢絲禪榻意不妨吟到日趨時

采菱曲

風起晴湖不受塵白花青葉漲湖潏隔船親見摻摻手  
菱角生憎慣刺人

湖波濼濼不通河櫂出瓜皮疾似梭忽露雪肌菱樣白

買菱人少看人多

南屏山觀米海嶽摩崖琴臺字

南山戀秋晴，磻戶不容棐。深靄積綠爲灌木，日森葺傳  
聞拜石米。昔此闖巖壺，揮毫榜琴臺。深刻完不損，我來  
弄素雲。散髮白鹿苑，側行遵危岡。取徑轉辭穩，攬身松  
毛顛。頓足苦竹阪，盤溪盪空嵌。幽仄出凌狼，層躋折磴  
高親見。古崖蹇攪擊，無俗姿兩字。破混沌力與天風摩  
崛強，不肖偃不知何年。雨洗露益堅，渾清音亮無傳古  
意尚未遠，硬搨將可施。幽窮詎云晚，摩抄到月生。瘦策  
白厓反。

中秋前一日費員外我衡招同許孝廉丁處士集

慈恩僧房時恒公適至

秋陰不可狀萬物同一清編竹異俗徑翫月亦古情唐陳

陶翫月詩序翫月古也各愛蟾窟朗夙戒須其盈我友疲津梁稅

駕王舍城藥樹帶左界忍草環前楹酌我復食我邀我  
循廊行已公洒然至矯若仙鶴輕胸衣不右袒瘦筇時  
孤撐澄心攬衆妙適意資閒評言念九州大一月分此  
明坐待海潮落漸至冰輪生放纜穿石橋晃漾搖目睛  
把袖招二客矯首香雲平

秋陰



空塔漠漠靜塵埃  
邀勒曦光爲滌苔  
天幕數峯仍隔斷  
雲橫一水不吹開  
遙疑閣外沈江黑  
涼恐宵中挾雨來  
放眼欲窮千里望  
幾人同上最高臺

有王生者鬱孫楚之深情  
抱非熊之奇痛  
纏綿哀涕遂嬰嗽疾  
既亟介予姻親  
乞一言以死  
輒以小詩廣其意  
生得詩感泣叩頭  
越日卽殞  
噫亦異矣

服媚頻教入夢稠  
芳蘭宛宛兩叢抽  
自從浹夜驚鷗惡  
戍削秋衣爲阿侯

年來鉛水不曾乾  
始信驪駟展足難  
試向天衢一凝望  
只應寫作畫圖看

巷入烏衣慘不春，  
蓀驂久度欲生塵。  
菴苑不是傷心草，  
賦到蘭成便愴神。

碧海青天路渺茫，  
秋衾無夢九迴腸。  
如何重有金環探，  
一洗西風病骨涼。

秋日集鳳鳴菴

精廬繚山根，  
雜樹青不斷。  
微風透絺，  
輕初日出林。  
緩閒閒素侶，  
皆戀此涼蔭。  
滿熏心借佛，  
香礪齒汨澄。  
渾卽事唯永懷，  
率爾役青管。  
石貌非世嫌，  
竹意同我嬾。  
不期釋褊心，  
竟以霍微瘡。  
起行弄清陰，  
寫望入幽散。

同作

梁啟心

餘暑不可憤，破曉還科頭。西風鳴兩槳，忽來城南陬。  
深林翳白日，古堞延高秋。一磴雲際盤，小憩禪房幽。  
交門修竹陰，循除清泉流。何許覓島可，不速逢應劉。  
茲遊本孤往，乃復盛朋儔。爲近子雲宅，謂董奇字紛  
探搜過此涼，候佳有約當易酬。

夜集南漪小隱，阻雨時張增方修烏程志歸。

瑟瑟秋宵一萃羣，斂將寒意屬罍熏。簷端月側方離畢，  
檻外風多未散雲。志續弁陽成外史，酒傾若下證前聞。  
催歸街鼓紉如動，屐齒終愁劃薜紋。

晚秋遊蓮居報國兩招提。

秋深澹疑夕幽興任所選野色迹鳥飛翠影逐人轉緣  
谿徑石橋散策入僧院出林清磬圓到水涼雲變洗鉢  
魚不驚坐樹葉屢顫不辭竹風吹時得花雨濺了知佛  
香清矧戀鄉土善視蔭惜遽歸境過意頻眷

翦橙

橙子趁秋熟色香殊自矜露英分快翦壘味配孤僧細  
數青連葉寒搓晚上鐙歸攜滿衫袖恐損翠眉棱

余與江敬齋太守

源

生同庾居同里同學相善同

遊于鬢同舉于鄉逮余以狂言獲譴而敬齋亦以  
伉直忤上官中以他事罷去今年十月敬齋五十

生辰里人釀酒湖樓各賦長句爲壽余其可無言

乎

相呼爾我各成翁默數行年丙子同雲路一生偕進退

雪泥幾載各西東故人比似青山好世道何如白髮公

怪我客年窮不死始知磨蝎是身宮

余文章行誼不如韓蘇身宮磨蝎則

同

### 煮雪

風颺茶烟細寒依佛火生幾人吟轉苦一雪晚逾清縛  
帶稀梅格添薪亮鶴情瓶笙信幽沸欹枕到初更

繡谷亭觀趙松雪維摩示疾像以東坡天柱寺楊

惠之塑維摩詩句爲韻得病字

我聞維摩詰善修菩薩行  
愍衆媿癡愛現疾深示做力  
安四禪牀瘦骨抱幽篋飯從香國施  
花自天女遊觀其所說經遊戲略可證  
瑞像落劫外捏塑巧難更漚波無垢人  
繪事妙佛性清疎謝客鬚戍削蕭統病  
形委神特完雙瞳瑩秋鏡丈室寒雨飛  
想見小筆勁誰叅不二門紛呶理談柄  
豈知大醫王獨得法眼淨譯經吾匪能  
讀畫嗟易竟神遊菴羅園擁鼻發清咏

金農

自鹽官歸出酒招客適周

京

亦至坐呈溪父

先生

羈人方水宿嘉月不同看一昔攜琴至蕭齋生古寒苦  
吟時曳袖幽寄或凭闌近局如周顛招來似不難

潤從山骨見石氣一時青落日銜高樹寬衣集古廳遠  
歸情話絮晚食酒肴馨國老扶筇出尊前見典型

十二月十六日集清勤堂咏洋玻璃鐙

癡雲栽栽凍初醒斫桂蟠枝淬銅鏡老蛻吐脂恐闕明  
細鏤層冰不孤映麝袍小立雲母屏金牀騎象邀帝青  
似憐瑤席闕清豔借汝光景輝寒廳銅鳥不動夜如水  
得替明珠懸帳底諦看粉本如畫空巧匠誰徵海東史  
湖上雨過送施明府之青溪

東風欲散敝裘溫吹我梅邊展屐痕雙漿羨看仙吏去  
一尊喜並故人言山屏過雨開詩境湖水通波接縣門  
到日龜亭春正好板輿扶處卽花村

花朝風雨集河干草堂

又牽小艇過橋東惻惻輕寒寂莫中一水蹙瀾宜著雨  
數花含凍尚禁風探春生計憐今別賭酒情懷較昔雄  
不以草堂供燕笑敝裘何處賦蒙戎

題許上舍

承祖

雪莊漁唱三絕句

弄水攀枝意欲仙風光只愛一湖烟樵青撐出瓜皮艇  
網得銀刀不賣錢



萬株宮柳接長堤，溼翠漫天路欲迷。  
青箬綠蓑春雨細，唱歌人在段橋西。

挽鹿來樓水際，村青山窺鏡月當門。  
簪花借得諸兄硯，小築宜添寫韻軒。

穀雨日瓶花齋送張侍御涓陳檢討兆崙還朝

文章敢信光詞苑，封事何能補

聖朝。願我自傷鵬翮短，送君翻惜馬蹄遙。  
離愁要借殘春餞，詩壘還憑濁酒澆。  
吾道自來推直筆，每從閒處想風標。

閏三月三日修禊事于湖上效蘭亭體賦四言五

言

復此元巳言循樂郊醴齊載泛旅陳蘭肴林影欲合鳥  
音時交俯仰陶化麗澤玩爻

靈雨被令辰卽景良儔洽庭墀有餘春野色接衣恰雲  
疎峯色明林稠澗影狹抗希舞雪遊得性魚鳥狎

送孫

林

之瑞州兼訊其舅沈太守

瀾

摩圍句法劇生拗只有師川酷似之君到西江續詩派  
苦心不遣四洪知

苦憶東陽姓沈人脩門判袂四經春恒饑念我才應減  
煩說新詩更入神

通志卷之十二  
四月十四日集瓶花齋送舒明府還桐溪

暫寬趨謁當還鄉路指桐溪水驛長密樹童童迎偃蓋  
雙隄宛宛翼歸航官多善政詩篇美邑有流風草木香  
回首六街微舊事因君忽發酒邊狂

西湖競渡四首

凌波池上箴金船一路蘋香撲綺筵惱殺珠簾太無賴  
不遮風日只遮仙

差差弱柳拂宮牆借與遊人簇看場一色淥波如小海  
赤龍銜尾戲中央

雙隄隱隱閃雲旗破浪乘風倒好嬉組練三千爭擊水

習流軍本是吳兒

昆明曾策漢時勳誰爲樓船將一軍不見石鯨鱗甲動  
老夫何語荅斜曛

詠竹夾膝

綃帳深更透華月百竅玲瓏認秋骨粉融青汗細含風  
劖得寒支沁肌髮簟紋不動銀蒜搖跂足欲學汀鷺翹  
館娃一閉清夢隔似替橫陳學細腰玉肌成削迴身窄  
道是承恩竟當夕莫訝宵中冰體涼中有湘江一奩碧

詠江太守

源

齋前石泉

乳泓太古色湛然充前庭倒寫樹身溼冷逼石氣青朝

見池上魚夜見池中星秋雨洗巖壁鑄我仙篆銘

雪莊秋蕪小集時余病瘡初起

岑樓一角占湖西彌望三潭翠帶齊風起漫勞纖手摘  
雨餘却喜滿筐攜追涼此味偏宜病入饌逢秋易著題  
歸權唱歌疎柳晚爲君點破碧玻璃

同楊太守

大勳

金農

丁敬

兩處士楊秀才

知

遊映

壁喬松諸蘭若

端居屏俗營秋序足陶寫諸峯仍嗟戔小雨已飄灑勝  
情愛招要却值我行野消搖倚虛亭屈折戀桑下望望  
計所投落落蘭若入門樹蔽檐穿徑藤絡瓦壁荒蘚

來侵水縮光不憚念此古佛尊樸遯類貧者蓋頭伏癯  
禪僅博茅一把六息辭講堂縈迴叩幽舍滑澁躋厓隙  
沾溼念衣袴歷嶮亮所忻窮探不愁寡平生香火緣寂  
寞結秋社履迹始近遊尺晷暫偷假攜持二三子卽此  
張風雅

送施安之歙州

蕭蕭竹響亂溪樓似爲騷人悵遠遊輕葉獨穿孤塔影  
大江清寫數峯秋雁聲南下兼殘雨嶺勢東迴抱歙州  
有爾驚才傳絕唱听然一笑豁離憂

十月菊

建古堂詩集卷十二  
十月見寒菊悠然並蟄棲已知霜信晚恐被月華迷蝶  
抱不黏粉鳥來時啄泥瘦香吹一醒最好夕陽西

陸騰

招集南屏山房看紅葉

今年十月暖逾常遠到山樓始見霜小筆更添千嶂秀  
西風忽換半林黃頰將豔思偷春氣欲與秋容鬪夕陽  
歸櫂輕舟試凝望一株猶足盪湖光

同作

會稽

魯曾煜

啟人

滿眼丹楓泥煞人頰來我作此山鄰誰云樂事年年  
減愛此秋光樹樹新峯外夕陽添遠照塔尖霜氣落  
經旬憑他殘葉蕭蕭下樓上衰顏中酒頻

舒明府自常湖來同集南香草堂

清話長移晷微吟可散愁  
仙郎初放假湖上有扁舟  
濁酒先拚醉寒花不離秋  
西園容秉燭底用憶應劉

寒閨用唐女冠魚元機和光威哀聯句韻

風蹙輕凌鎖鏡潭銷寒圖上恰三三  
穿窗素霧侵鳴瑟唾袖薦花澀舞衫  
望去玉釵蟲始顫飄來綬帶鳥曾銜  
中爰乍喜占歸妹小字偏宜喚要男  
倚竹題詩抒別恨微蘭說夢露微慚  
媽姿簾下清欺雪軟語鐙前絮似喃  
炙手細雕青鴿炭通頭斜插碧犀簪  
冬心寥寂長時抱芳韻氤氳竟體含  
謝傅門庭堪自負  
党家風味略能諳



呵書薤葉迴環讀學繡蓮花半滿參試畫曲眉分淺黛  
欲觀齟齬贈餘甘弓彎曉印霜苔滑行拂梅花落磻南  
出東新關至臯亭探梅

首塗發河澣言訪梅花叢是時暄寒并約略花正中夕  
陰生衆壑岑嵐浮輕篷牽挽水偏澀演漾勢漸東數樹  
出竹岸褫褐因微風坐待皎月上未信谿路窮夜色斂  
晴萼一洗春烟空

晚由金家塢步至崇先寺

村近人語喧到崖櫛聲緩巖扉入倒景自笑目力短不  
疑花光明反訝白雲滿散策步石梁迤邐意非嬾一亭

界溪流浮瓣去未遠望中初地幽不厭竹門款山廚起  
晚烟瀟水挈石盃

宿臯亭山下田家

嚮晦辭香寮道半逢田父相邀共至家草率出濁醪此  
鄉安耕漁風氣近太古茆舍八九間屋角梅盡吐谿泉  
瀾瀾鳴支枕清可數

遊中塔院遂歷上塔院

一峯欲東往一峯仍西迴嗟峩衆峯斂讓出萬鹿胎丹  
梯近可接夤緣登香臺馴犬時一吠棲鴿俄相猜仰瞻  
上方靜隱鐘魚催續筧滴幽響小雨如飛埃松風導

我前歷歷畫軸開萬象鬱清氣決露無凡材妙香接諸  
天造語誰能該

桐塢

詰屈微徑穿漸出松頂上肩摩雪紛敷攀嗅不待仰桐  
塢介山趾疏鑿成沃壤僧祇望衡居精舍意相仿蓺花  
安四禪時有白雲養竹露漬壞衣苔色上齋房荒寒愜  
鳥情疎豁謝俗獎矯首丹崖深荷鋤將獨往

月明卷

忍草被澄潭屈折繞香界脩脩苦竹叢隔水結幽苔  
枝橫畫格歷數非一派朗照掣禪縛偃蹇破俗械幸少

翠羽啁且免紫蠹壞山僧修幾生不肖種花賣譚經上  
層臺天半出梵唄

撒沙夫人廟

秀嶂倚天外縹緲春烟升幽徑窈窕入漸次拾級登循  
碑感奇蹟肅拜瞻高層茂樹天影合畫壁嵐光蒸青虵  
出煤帳仙鼠緣香鐙靈風颯然至中有神君憑奠坤配  
地媪血戰師橋陵隱然捍大患祀典閱廢興嗤彼紛若  
巫豈爲求福應

厲鷄

丁敬

顧之麟

同過桃關看花

御風却立大江西指點林巒望眼迷自入春來山欲笑

建中集卷十二  
十四  
恰當花處鳥爭啼邱亭界道荒連寺野竹環村冷照溪  
相挈城南好遊侶緩歸長到夕陽低

寄題新城噎泉爲同年高霽作

冷笑天工煞苦辛一泉亦復轉喉頻清光似我垂垂老  
不見荒巖祝哽人  
蒙茸弱草亂峯幽嗚咽縣厓滴未休只恐出山成濁水  
到奔流處轉安流

題句曲孫秀才玉璘蟬鳴錄四首

孫郎湖海士豪氣未全除宅與仙廬近家從霸業餘山  
樓曾有志城旦豈無書利器空懷抱侯門耻曳裾

生計丁年拙商歌慘不歡田園已蕪落骨月半凋殘獨  
客依劉表蒼生擬謝安短衣衝朔雪海市幾回看  
羣雅誰能揜風騷有主盟九秋橫逸氣五字畫長城著  
論新懸市藏書久鑿楹自慚名品下不敢問鍾嶸  
臯廡何妨寄貧交誼夙敦白鷗同浩蕩彩筆看騰鸞山  
色青排闥潮聲夜到門滄江供一隊眼見寓公尊

送楊太守 大勳 之江南

十代興亡指顧中峭帆橫截大江東盡驅風雨歸吟筆  
欲吸金焦入酒筒勝地君能獨懷古壯遊我恨不從公  
輝輝滿月應相待照徹長干塔火紅

秋日采蓴湖上

侵曉招呼共采蓴，只愁翠帶罽船脣。  
鄉心不向春來發，始信張翰是解人。

秋陰長，暈段橋東影落三潭。  
夕照中緩緩牽船過橋去，  
遠波如漾釣絲風。

萬松嶺尋祖龍學介亭遺址不得

孤風決起左翻傾，奇石離立無嘉名。  
涼風導我散輕策，萬樹欲寫秋來聲。  
循岡側聒天宇濶，東嶺半壁猶孤撐。  
介亭墜落近千載，緬想賢守徒征營。  
荒烟莽莽露朝泣，但恣穢草浴堤生。  
陰厓無人驚鵲墮，側岫有路飢樵行。

平臯眼見沒斷礎石術何處尋雕甍攬衣欲上愁窘步  
西日倒射江光頰寒潮不來坡老死空巖延佇難爲情  
同人集吳山爲展重陽之會

重陽已過又登臺徑草盤盤杖撥開竹色暗連嵐翠動  
松風不帶雨聲來未妨作達頻呼酒卽使清吟也費才  
尚有勝情消不得每逢仙院必徘徊

初冬集復園池上

葦間搖艇入一柳臥溪門葉墮侵山影霜清見釣痕鄰  
居荒寺路隔岸野人言不是江關客誰能賦小園

道古堂詩集卷十二



道古堂詩集卷十三

仁和 杭世駿 大宗

寄巢集

梁翰林

啓心

吳上舍

城

載酒過寄巢卽席

野人無一事得酒又奚求  
疎樹窗中見清泉  
鳥下流笑談堪送日  
吟望一登樓  
愛此柴荆外  
春深好放舟

梁啓心

醉地依山好吟鞋  
隔水通鳥巢  
君似寄鴻爪  
我來空載酒  
迎初雪  
開園刷晚菘  
未妨羣好事  
一笑歲匆匆

送全吉士

祖望

赴叢山書院

戴山嶻嶭講堂尊，烏下秋濤互吐吞。化自甬勾被於越，人從錢水上雲門。揚雄作賦多奇字，劉向傳經有立言。人譜自來私淑久，飢腸好爲薦芳蓀。

題女士趙昭雙鉤水仙

寒山木落澗泉分，小宛堂開辟蠹芸。畱得外家殘稿在，一叢寒碧寫湘君。

同人集寄巢梅花下作

雪後寒威未肯降，探梅有客倒雞缸。隔溪數朶臥臨水，映日一枝橫在窗。頻遣異香酬妙句，欲將清景老家江。諸公且索巡檐笑，莫待飛英滿石缸。

夜集張

雲錦

藝舫

繫纜東湖外幽尋小巷偏佳招仍舊雨情話入新年側  
月窺清影歸禽下晚煙醉眠吾未肯一笑擘吟箋

雨泊臯亭

惻惻輕寒漸作陰檝頭初纜愛微吟東風畱客成小住  
疎雨對觴如共斟隔浦網喧沈遠火過山林密叫飢禽  
推篷不見明明月誰識清愁滿素襟

瓶花齋百八酒器歌

延陵世嬪詩壇將畱客高齋開宿釀紫藤飄墮畫檐深  
捧出尊罍非一狀傾銀注玉恐被俗眼驚別具陶匏表

清尚秘藏一百八事何黜頤法式時呈折腰樣側聞司

彝朝踐用太尊犧象不飾太朴存有虞所尚絕苦窳祇

今聖跡畱河濱

明堂位泰有虞氏之尊也考工記有虞氏尚陶

考工陶旋不解

造飲器遂令梓人爵觚勺解成專門後來埏埴各求勝

象董誇張哥弟競燒烟搏土徧方州近數饒磁遠汝定

我生不識閒盃鑑摩挲百過增古情宣和王楚少繪象

紹興張掄缺考評彭寤質粗新定脆高麗大食郵致艱

塗程未若君家世寶一一鑒別精交光鬪采紛縱橫大

觀龍泉非異物劣猶俯視洪宣成諸公入手莫褻視以

人閱世年壽焉得如汝觥近郎與年方盛行惜哉但博

摹仿名吾寧，慙置羞取盈。瓶花齋清闕，亞蟬華嗟逐銀。  
盃化手澤猶存口，澤兼滿注黃流。趁清暇，座中半是紀  
羣交感舊思。今意難謝一杯一杯復一杯，細數應盡百  
八迴。下堦茗芋惜揮手，統如有鼓街頭催。

桐鄉鳳鳴寺僧

行芳

俗姓魏氏工詩爲署令所誣

將致之死，舒明府行獄見其詩，愛之立爲昭雪。遂  
返初服，卽以舒爲名字，曰更生賦，感恩詩八章，清  
麗可誦。今遊武林，明府贊之徧遊諸公間，爲賦一  
律贈之。

細檢方袍認涕痕，頓教解脫定驚魂。詩書不信儒冠誤

銀鍊方知獄吏尊二業已叅無盡藏辨香聊紀再生恩  
禪林他日搜弘秀尙有逃虛數卷存

送舒明府贈母喪歸里

客歲雙旌動之官湖水清賃船脩偉餞臥病隔重城短  
鬢三秋改麻衣一昔驚傷心因哭母信爾不甯行  
念我窮居日當君獨往時牽帆遲暮雨開卷寫哀詩朋  
好勤相問孤懷黯自疑眼看春事盡愁絕罷含卮

無米

本是行歌帶索人一逢荒歲更增貧  
聒檐竟類空倉雀仰澤翻爲涸轍鱗  
楊惲報書傷語激虞卿捐印啓愁新

禮經恐有無稽論飲水何由慰老親

結習誰教綺語耽果如纏縛繭中蠶撐腸有卷難拈賣  
借箸無心恥立談避雨客過愁設饌牽衣兒頃恐分甘  
悠悠忽忽頻頻想也有奚康七不堪

次韻

新城高 藹宗山

知是崋嶽歷落人食鮭更比庾郎貧不緣苦思腰偏  
瘦却恨長飢腹有鱗座上一困誰念舊篇中八米自  
生新憑君莫問江東價捧檄年來欲逮親

爨乏炊煙久自耽只愁僵臥侶眠蠶龜腸蟬腹無奇  
術塵飯塗羹亦戲談那得胡奴常致餽幾時褐父解

分甘世情略比矛頭淅危語何嫌偪仲堪

用周進士

宣武

來韻奉酬兼訊令弟分司

宣猷

卽

題其集木集後

晞顏其殆庶苦卓力鑽仰嗟汝三代英謬謂一日長贈  
言如清風端飄輒神往理真契道腴情至祛凡想緬懷  
哦松廳公暇思撰杖歷時意彌敦境奪期屢爽陋室餘  
妍思艱途託孤賞題彼在原鶴飛鳴時下上誥昆歎風  
微迢遶蒼遺響

身世類枯槁有俯不無仰筮易得復爻剝極道漸長明  
夷利艱貞履泰必大往卑居跛脚臥輒作天際想有兄



來連牀有子能奉杖雜花時飄英梅雨忽薦爽高唵發  
天慳孤緒企誰賞超遙阻通津理榜思一上爲君撫清  
絃竚待四山響

復園池上荷花

吹香掩冉入輕橈柳下清風艷思饒望去不知花有數  
坐來惟覺暑全消唼波魚媵迷前浦曬翅鷗羣隔畫橋  
翠葢愛看擎萬柄晚涼添雨更飄蕭

題任太守

應烈

狎鷗圖

樵風涇外一春晴新製瓜皮兩槩輕絕似吳淞姜白石  
踐他三十六鷗盟

閒身恰稱芰荷衣，斜日收綸緩緩歸。  
一片碧波鷗浴過，飛來只傍釣船飛。

吳山酒樓題壁

長日試來同放眼，危樓俯瞰一城環。  
樹開霽色延幽鳥，簾捲江光出遠山。  
把醖欲邀青竹蔭，披襟仍抱白雲還。  
妍妍待浣冰壺筆，細寫詩翁意思閒。

小雨初涼集飛鴻堂分韻

涼飈歛炎威，小雨際清曉。  
灌樹紛懽慘，陰厓漸深窈。  
長謠坐磐石，載酒俯幽沼。  
得朋易爲懽，望歲轉心悄。  
柴門而西垆，獨立數歸鳥。

泛舟北郭

披襟漸喜近涼天北郭清遊又一年五里碧波堪入畫  
幾家脩竹欲生煙平橋落日暄溪鳥野艇秋風接渚蓮  
天與詩翁侑殘醉酒盃移在釣牀前

七月七日集萬峯禪房

佳時恣幽討初地多清風已靡在原草復響臨池桐仄  
徑穿窈窕漸出荒筠叢初疑濕雲墮豈識青靄蒙雙峯  
矜脩脣弄影清流中疎磬落林杪獨鳥吟秋空幽篁亮  
難狀閒靜將安終迢迢睇河漢念此歡言同

寄巢秋禊

良士有風契閒館入秋爽高樹欹風楹仄岫接雲幌悠  
悠緬前脩落落結遐想拍檻招漚鳧緣波弄菰蔣酒如  
荷氣清吟比蟬嘶響乘化聊容與冥心謝吾黨

周京

吾人展襖事往歲曾一舉春秋佳日多興會良可數  
況今際秋閏忽復合尊俎林塘接餘歡觴咏散殘暑  
小山媚繁卉曲池灑新雨濃陰涼蟬鳴爽氣風蝶舞  
相將臨清流漫與酌桂醕愛適襖堂幽喜洽蓬池侶  
塵襟爰滌除煩憂不得語

錢塘丁健誠叔

恢台轉素節，閉館鳴秋蟬。露晞花房明，日淡松陰穿。  
織鱗戲層波，小蝶翾涼煙。撫化眷物理，矧茲巾烏聯。  
以與以泛列坐屏，管絃晚風扇。蘋末散髮池上眠。  
長謠攄幽篋，皎然塵襟湔。

閏七夕湖上

水花待試風，露香酒船夕。泛銀塘，長渚鷗背人過橋宿。  
滿湖雲影如波涼，涼蟲飛唳銅荷淚。一縷孤烟泊紅穗。  
山容不借月娥看，畫屏依舊清無睡。

晦日喜張

大受陳鴻寶見過

涼入絺衣薄，秋深閨又除。蕭閒過二妙，寂寞玩三餘。斜

日同看竹虛堂罷讀書定知吟興劇不是慰離居

雨中湖上賦秋荷

橋外虛徐兩槳通跳珠擊出萬花中橫驅秋氣沈波黑  
涼浸紅衣洗艷空山翠得雲生莫靄水香乘化入西風  
蕭然便有江湖興篷底清吟在葦叢

湖上晚歸集南香草堂分韻

秋共水平分沿緣到日曛翠收千嶂色涼散一湖雲短  
袂霑荷氣輕帆逐雁羣歸來有朋酒吟興尙紛紛

同作

施安

到處惜清景西風滿口前涼陰逐歸鳥暝色淨湖天

背郭秋難狀迴舟興尙偏詩人草堂近極望正炊烟

九日遊報國院池上用林艾軒九日韻

老去清遊意未厭短筇流憩力猶堪橋通楚徑尋僧問  
鳥報新晴助客談人意蕭閒超境外水波容與學湖南  
城隅不厭頻來往畱取秋光約共探

東郭訪秋卽用玉溪詩中語爲韻得霞字

貰酒出煙郭沙河猶蕩花雁行天路濶漁艇水程賒秀  
嶂生涼雨高城隱暮霞稻塍欣有歲閑憩野人家

送周運判謫戍軍臺四首

短衣匹馬趁瓜期此去防秋未道遲絕塞夢迴飛急雪

穹廬春去失燕支荷戈辛苦穿秦戍磨盾淋漓寫楚詞  
親奉威稜行萬里空教天際想熊姿

荷蘭山險接長城列戍崢嶸堠火明曾見徙關稱右族  
幾聞偵敵用書生射雕翻羨從軍樂飲馬真成出塞行  
衰草茫茫連大磧莫將笳拍寫邊聲

孤臣莫便嘆投荒弧矢由來志四方投筆尙慙書牘背  
橫戈猶幸隸顏行鳴沙陷處聞駝圖苦月高時少雁翔  
感念

聖恩長攬涕要將長劍埽天狼

雲旗獵獵閃回中帕首居然揖總戎壘塊正須澆桐酒



飛揚不礙挽長弓盛秋候障時燔燧午夜覘星喜畫銅  
少爲

聖王紆北顧誰言橫草竟無功

蕪市

落落千家市舟移正夕曛晚菘隨岸遠交蔓過橋分得  
歲魚鹽賤臨溪笑語聞炊烟覆茅屋只恐化爲雲

冬日葉物齋小集

發興題襟到水際釀雪年光半陰霽梅香破紙豈待烘  
竹影侵階不容簞漱石能移讀書情銜盃欲變談詩例  
畱人凍雀踏枝窺約我他時杖屨曳

霍家橋道中

安穩籃輿上城東路易尋  
斷崖低樹亞荒徑伏流侵曙  
色分茆屋寒煙散竹林南  
莊招隱處知是閉門深

冬夜宿南莊

澄江日落潮初生茅堂會宿夜氣清  
羣峯遠向天際沒一鳥不來竹裏鳴  
江梅有意娛遠客幾朶疎花寫幽格  
雲頑不放月娥窺特遣燒燈照瑤席  
席間難辨花微茫紙屏影外橫枝長  
冰肌感受一塵汚飛雨來灑風前香  
香細風清吹不斷醉脫貂裘招酒伴  
巡檐嗅藥漫商量邀勒冰霜與春換

焦山觀音巖晚望用宋人趙冰壺韻

山腰寂歷一菴存，傳是坡仙跡未昏。  
返照炯如留客看，崩崖峭不受潮吞。  
盤空鶴認斜行雁，穿徑僧疑倒飲猿。  
坐久天風更飄忽，欲同瘦策臥雲根。

焦山看月

平生眼界超塵縛，欲向江天寫寥廓。  
纖阿期我招提遊，放山寒光踐宿約。  
已驚晃朗辨諸峯，漸喜蒼茫認煙郭。  
濕銀灑灑和江流，異境搖溶兩難攫。  
九霄澄彩助清悽，萬里分濤恣展拓。  
須臾噫氣號陰壑，棲鶴驚飛觸檐鐸。  
大聲忽起接潮頭，猛力時來打山脚。  
蘆人縮頸不敢窺。

建康詩集卷十三  
帆葉誰能更輕掠振衣起躡山徑高光動空林葉零落  
悄然靜聽魚龍吟呼酒時同石闕酌

登雙峯閣

凌虛結遐覽一巷翠微間石磴穿鳥道瘦策同躋攀了  
了脩眉卷遂見江南山喧濤鳥下過白雲牕中還清景  
迫短晷後游恐緣慳霜鐘發深省鵲銘留髣顏

同作

鴈鵲

香閣如危巢細路盤折至頗覺筋力衰不辨舊題字  
爐烟浮江光帆影移竹翠此間坐永日自爾絕人事  
將爲禽尚游未免周何累歸歎復裴回短策耐寒吹

寒夜石壁菴聯句

爲愛焦山好清冬况得朋

馬曰瑤  
解谷

來因海月滿宿憶翠

微曾

厲鶚  
樊榭

梵室鄰峯勢經樓避石稜

方士康  
西疇

間攜塵外

拂吟借佛前燈

馬曰瑤  
半查

風勁飄金磬天高淡玉繩

世駿

松濤時警鶴芋火漫隨僧

陳章  
竹町

梅氣贖芬馥江聲聽激

崩

閔華  
玉井

靜叅禪一味冷泥酒三升

陸鍾輝  
南圻

夢擬靈祠乞

銘從古鼎徵

樓綺  
于湘

帶圍思楚玉繡像展吳綾

寺有楊文  
襄公玉帶

已爲僧付質庫宋  
繡佛尚存

舊事添圖謀奇懷入寢興

樊榭  
黠更

蓮漏續龍藏竹錐膽

西疇

篆印銷婆律牀敷煖氍毹

半

查空談對劉勰名理叩張憑

世駿

覆局棋收電停毫硯

結冰

竹町

森森寒氣冽，晶晶夜光澄。

玉井

興劇渾無寐。

神淒恐不勝。

南折

明朝放歸棹，游思尙飛騰。

于湘

歸宿南莊二絕

江風一路洗車塵，凍鳥窺枝解喚人。  
月到竹籬呼月出，月輪新較寺門新。

風鏗依舊颭迴廊，竹外微微弄暗香。  
我共梅花清不寐，冷吟間嗅到昏黃。

題趙彝齋雙鉤水仙

空谷苔青秋巖雲霽，故國王孫廣陳畱。  
滯楚畹情遙湘，靈望翳言寫猗蘭。  
宣毫當涕秀葉晨披，幽馨遠曳林靜。

無聲韻流空際畫譜遺民所南一例

寄懷鄂觀察

敬

兩年蹤跡斷知聞頌酒判花祇自云孤月伴人棲野艇  
飢烏驅我走江濱晚來借寺題青竹興盡還山看白雲  
橋李城邊成小泊溪風淒緊正思君

吳淞立春

小雪飛殘喜乍晴餘冬驚見異鄉更窺檐月好焚香待  
颺燭風多被酒行歷尾漸看隨日換羈愁仍向隔年生  
良宵幽夢何人共只有梅花分外清

題許峻標放犢圖

巢父牽犢去不飲洗耳水華陽畫兩牛豈有可致理  
人從我好高致類如此山中草木無春秋白石鑿鑿清  
泉流曉涼放去趁飛鳥斜日驅下隨歸舟有時桓伊三  
弄笛吹出前溪片月白東村縱酒雜漁樵夜半跨歸聲  
叱叱短衣甘作飯牛客莫問大臣在爾側

趙副憲

大鯨

招飲掬湖臺

乍回望眼入江天隔日招邀嶺路便二屨響停高閣外  
衆峯青到講堂前花光得雨疑熏酒草氣乘風欲化煙  
他日風流緬遺跡清吟誰繼兩華顛

北郭泛舟至臯亭時桃花方盛二首



出郭春陰滿虛徐度石橋好山如有待野鳥忽相招港  
曲移舟慢花繁映水遙何人溪上住時弄賣餠簫  
嫩莎青引柁遲日暖烘衣洗盞酬清艷開窗面翠微路  
隨村漸轉花與燕同飛新歲嬉春徧懽悰似此稀

黃芍藥二首寄和江春

誰教沒骨寫靈根姹紫嫣紅豈足論佛借妙香開笑面  
天畱正色餞春魂遊蜂採處尋難見蜜酒澆來漬有痕  
華省祇今多好句翻階剛值月初昏

玉潤江郎彩筆舒脣間色映撫闌餘隔年種艷思殊質  
計畝論花當野蔬畫倩黃筮仍不似歌翻金縷得相如

道古堂詩集卷十三  
若教九錫標名品封詔何煩五色書

筠廊道暑

鳥爲池光下人因竹色留開軒初日迴布席好風周幽  
礪疑過雨攢峯早借秋平生疎嬾意微咏託山劉

道古堂詩集卷十三

道古堂詩集卷十四

仁和 杭世駿 大宗

脩川集

臨平道中

幾日蘋花滿臨平路又經樹從煙際遠山比雨餘青野  
色圍孤寺溪光上短亭推篷延望久指點倒雙餅

脩川舟次寄范鶴年

雲絮紛紛爛未收絺衣相約喚輕舟涼風時拜歲蕤竹  
卻替詩人替暮愁

三女堆

荒阡誰記赤烏年  
金盃難尋玉化煙  
只有化城芳草遍  
隨風青到夕陽邊

雨後聽濤樓小集同西安蔡

延齡

秀水曹

大文

湘

潭陳

樹萃

長汀黎

維昱

暨施

謙

周雷

楊詠

范鶴年

丁健

跳階宿雨曉來收  
疏簾含風欲作秋  
密樹幾株低礙帽  
好峰一朵翠當樓  
分甯吸酒荷先醉  
泚筆題詩竹更修  
海國竭來欣合并  
追涼誰似此間幽

晚雨用前韻

林端隱隱暝煙收  
作意驚風學早秋  
山氣化雲歸別壩

怒濤飛雨入高樓  
淙琤愛聽檐繩溜  
滑澁愁衝石路脩  
分付西窗重翦燭  
添衣小坐話清幽

尖山觀海簡劉明府

守成

尖山東接海門秋  
特建危亭最上頭  
疊嶂崩雲遙送望  
孤帆斜照迴含愁  
粘天野氣連三泖  
應月寒潮帶六州  
少待使君吟興發  
翩然乘躡揖陽侯

同人過濠上軒遂登鎮海塔

高城散涼雨  
石徑路夙諳  
平岡信透遲  
叢木紛參覃  
循厓坐豐草  
俯檻窺澄潭  
靜續塔鈴語  
仰接風蟬談  
紺壁出天表面  
面飛晴嵐  
擬挾仙翮健  
復以颺輪驂  
浮雲起

西北倒景凌東南盡釋域中戀獲遂天際探心賞亮已  
愜目營非云貪多生愛初地持帚吾猶堪

范鶴年晚過遂成薄醉

暝色簷楹入寂寥恒自知孤城逢旅食過客有新詩風  
急添衣早星繁上燭遲夜涼愁不寐且共判深卮

劉運副祖佑惠茉莉

風鬟斜綰一窩香曾錫嘉名侍漢王得向水仙仙閣外  
晚雲涼雨忽分將

數朶幽芬露漸滋晚窗小摘覆冰斃無端喚醒宵來夢  
髣髴羅襟乍解時

虛堂先借竹簾遮  
玉藥商量未放花  
贏得越甌香不散  
爲君蒸透火前茶

劉明府日致安隱泉水兩甌感其意爲賦長句

炎官絕赫勢驕逞  
屏翳時時挾驚霆  
橫飛白雨注層簷  
銀竹森森挂千挺  
斯時苦乏益益儲  
坐使清泔變乾澗  
挈瓶常慨井泉渾  
續筧終愁山礪迴  
迴腸待沃喝吻焦  
匹若枯魚藉援拯  
劉侯授餐兼及飲  
事事排當中宵繁  
郵籤誰發調水符  
日致雙罌公獨官  
臨平山下安隱泉  
翠影長窺光色炯  
已令白足汲軍持  
更勅平頭搖急艇  
一奩寒鑑撓逾清  
卅里長河走不脛  
沄波欲壓揚子津

冷夢時凌華池頂鴉鉏快斫枯松毛亟向風門安石鼎  
滌罷先除挂樹瓢解縉小試頭綱茗北窗跂脚聽瓶笙  
涼沁詩脾絕悵悻封緘一笑致頌言霖雨從今讓公等

題陳暲衡門養拙圖

衡門之下爰有嘉樹雲宿巖扁風吟磻戶手執一卷尹  
都督書听然獨笑以翫三餘野蔬既登家釀亦熟賣劍  
買牛苜茅補屋老帶莊襟樓立桂林優游卒歲誰知我  
心

許七承祖招集草堂銷夏

尙書奕世接衣香遺構如開綠野堂步履到門窺塔影



泮池先借五分涼

林岫參差洞壑開紛紛大葉罩蒼苔  
曦輪空有行天勢也畏濃陰不下來

青瑤灑灑繞階除避暑先成玉礪書  
荇藻日穿頻弄影不知下有一雙魚

風條爭寫青鸞尾露葉紛遺金錯刀  
恍似湘江清曉望一重丹嶂萬篔簹

蕉花荆樹兩澄鮮借客高齋枕手眠  
一朵晚雲吹不墮遠峰青到翠簾前

飛觴瑟瑟卷涼波欲飲爭如戶小何  
手把碧筩邀素月

一庭清景占來多

謝郡司馬張鐸惠茗

張侯妙茶事貽我茗莢一串滿滿都藍盛紅鈴斑駁封  
識固淥箬包裹縉繩輕名品攝衆妙至味涵六清云是  
黃海絕頂火前摘綠雲蒸雨青猿耕當風不暇滌瓊試  
但覺香氣拂拂交茗楹多生愛茶有結習雨窗煎水從  
頭評蒙山路遠雲霧隔月峽水東蛟鼉驚近從龍井溯  
日鑄御園繁富難具名蛙熊自來無定嗜未若此茶珍  
重兼高情細非雲碓碾緩待石火烹魚眼時雜竹雨沸  
豕腹滿貯松飈鳴硬餅大齧佐快嚼靈液已析朝來醒

戲學玉川弄險怪懸河豎義秋濤并請述茶德及公德  
恐讐孽瞽驚孩嬰假如枯魚失望渴驥死雄雷噎響莽  
遏萌誰能上天倒挽天河傾誰能入地猛擢修條莖若  
非季疵埏土肖像肅神祀我輩安得飽食搖扇張口噓  
驕晴高齋軸簾清晝閱樹底選石安碁枰竟欲年年從  
公再拜乞茗飲鈎梯百道煩公攜到天都一千一百八  
十仞上撒手懸崖行

慰周武選

雷

患漆瘡

高館潭潭盛供帳髹几雕幾出新樣支頤橫肱鎮不離  
搖筆攤書日相向暑風鏤骨潤侵肌忽使幽人獲奇恙

玉函細檢瘡腫方說與醫師竟疑剝上連肩膊下尻脛  
痛癢交攢不容狀或言附漆者削哺沃沸亟須乘熱湯  
或言敗漆者蟹膏稻短雙螯誰縛餉櫛牀宛轉闕安眠  
鳥爪爬搔總難暢不教明主徵費貽幾使友人疑豫讓  
湘簾長日對房開灼艾難分中養養五行拘忌木畏漆  
諺語聞諸知不誑君才杞梓梗豫章千尋聳秀青雲上  
加之雕斲詎非宜被以丹黃固其尚磊砢不得施廟堂  
空老深山嗟大匠藤纏繡節轉蒼蟻蝕蟲侵神逾王  
斯須疥癬豈足憂立起瘡痍吾所望花陰扶掖坐秋涼  
貽千紅藤九節杖

新秋雨霽同局諸公喜予買舟至此有詩見投率  
爾奉荅

蕭然休暇類飄蓬每愧琴尊未得同湖寺舊遊貪佛日  
溪途先夕借樵風逍遙高館勞芳訊寂歷晴秋悵莫空  
今日碧梧青竹畔且將詩句荅諸公

海昌以六月二十九日爲觀音成道之辰北寺設  
無遮之會傾國往觀衣香散霧扇影連雲良會不  
逢勝情中阻系之以詩

雙檜軒空不奈愁法雲猶爲護紅樓鐘聲殷檻隨風遠  
旛影縈香竟日浮鹿女想因傳戒至龍神多爲聽經畱

廉纖雨過妨遊屐，獨向高齋對好秋。

迢迢勝日向孤潛，未得香臺履跡淹。  
花氣欲迷三里霧，佛煙如隔一重簾。  
明知黑業原難懺，豈爲枯髡定惹嫌。  
遙想綠荷清不改，九蓮池水夜應添。

送唐

廣傳

還湘潭卽和其秋懷韻

青鐙照影思悠悠，作客誰能耐早秋。  
名嶽數峰遮望眼，空江九派接吳頭。  
鶴原入夢黃泉隔，萱草驚心白日愁。  
我亦年來同此境，因君清淚嘗交流。

蕭寥孤館夜遲眠，讀罷新詩意悄然。  
宦學幾年觀海日，鄉心一夕溯南天。  
歸帆挂待秋潮落，祖帳開逢去雁前。

太息何郎真似舅重來看取錦衣還

陳觀察樹著  
君舅氏也

題查編修

祥

雲在圖

本無出山志先問還山期還山理茆屋雲氣繚繞之觸  
石起膚寸俄已四野垂鍊骨毛髮換濯魄心神怡紛郁  
滿松徑空濛塞鴻遠墮澗不可籥出岫誰能儀綺翼破  
蒼靄惟有孤鶴知至人心物化獨抱煙霄姿嵐陰散壘  
采巖靄飄寒絲玩變闕天巧習懶測意遲浮薄亮所議  
舒卷夙以師負杖約暮樵歸咏泉明詩

次劉明府山圩督塘韻

功成四載笑談閒萬派驚波此作閑日脚西迴開地軸

潮頭東望巨天關，鼉更尙撼連雲塹。  
蜃氣憑吞隔岸山，便欲邀公吹笛坐布帆。  
晴狎白鷗閒。

趙叟

虹

過訪卽送其還練水

幾載平津客，翻然歸舊林。  
相思千里駕，閱世百年心。  
野徑看雲近，閒門植杖深。  
秋風增白髮，惆悵此分襟。

七夕聽濤樓席上咏蓮子

蓮子吾憐子，空房可惹嫌。  
寸心長自苦，清味豈能厭。  
綠待羅襦解，圓看玉果拈。  
當筵荷氣透，索向翠盤添。

西菴

清壕環玉帶，初地拓金繩。  
閒徑刪枯竹，交籬引蔓藤。  
愛



攜青眼客頻叩赤髭僧策策庚辛檻呼魚興尙乘

干令升故居

在黃灣著提山麓今爲真如寺

晉紀昔南運常侍江左秀易理超王韓史例準遷壽奇  
聞破荒塚秘記燭陰岫鹽官隸新氓撰譜族仍右翠丁  
苔楹交幽扃藤瓦覆想見風雨深椽筆此馳驟陵谷嗟  
屢遷興廢孰相究浩劫落化城彼法託弘宥梵夾屑松  
花香廚接巖雷回首永嘉年已閱萬昏晝滯淫信孤懷  
睇盼悵遺構長謠荅晚鐘何路寄賢胄

七月桂二首呈劉明府

桂樹陰移笛簟幽初秋轉覺勝中秋當風蘂細香先馥

貫月枝蜨露漸流別館折來南雁杳小山吹落亂蟬愁  
吳剛正要揮殘暑笑向花間十日留

白露才零白日長故教金粟報秋光山中後約賒靈隱  
雲外先機叩晦堂桐葉乍飛頻見雪蟾精未透忽傳香  
絺衣立盡團團影欲借清芬破早涼

題周

聯舉

畫蝶四首

調鉛殺粉費評量觸撥風光信手香買得仰家新樣扇  
寫生重仿小滕王

穿徧雕廊撲綺窗又隨花瓣度魚缸魏收枉自矜才地  
不得同郎畫作雙

葉底東西夢易迷  
柳花時節並黏衣  
尋香忽上靈蛇髻  
不共黃蜂一處飛

颺日縈烟開午晴  
翔飛真覺可憐生  
畫師只恐鶯捎去  
澹寫幽花一兩莖

楊十一 詠 約遊東林寺不果

欲往東林寺  
清晨望眼措  
傳聞十笏地  
已結八關齋  
遠寄秋偏好  
幽尋願忽乖  
因風問楊詠  
何處試吟鞵

中元夜海上看月同程 荃周聯舉曹日銘

寫望明明月  
憑虛浩浩風  
山雲成草莽  
野氣接鴻濛  
清景他鄉看  
孤懷此夕同  
何當凌紺壙  
橫覽大江東

經句

經旬不見酒人招，獨振絺衣抱寂寥。  
眇眇夕情長自斂，悠悠積痼豈能消。  
空城月上秋聞雁，高閣風清夜枕潮。  
聞說齊門多濫吹，不知孤瑟有誰調。

秋雨新霽喜潘廣文范上舍見過用江文通擬古詩各占一韻

華觀樂幽屏，岩堯儷神京。  
夙契養生旨，兼以觀物情。  
驕暑勢未已，白雨紛縱橫。  
俄焉耳目改，灑然心地清。  
絺裳潤芳氣，短髮飄素莖。  
石瀨流尚淺，欄雷浩已零。  
唼露飢鳥下，緣砌秋葉平。  
履卽來二妙，交系峩冠纓。  
涼飈已滿

樹斷雨猶在城朋簪喜盍各不異九子萍嘉賞自茲始  
孤懷擬同傾庶以翫晷景豈爲來者名

晚過清吟上人丈室用謝康樂遊赤石進帆海韻  
城陰雁初墮木杪蟬乍歇涼風靜逾扇翳景澹將沒遵  
塗玩澗毛理策破石髮旛動戒香聞花落幽磬發窗中  
滄法雲林際漏華月入夜神自閒耽寂興彌越妙諦邈  
莫尋佳遊悵久闕星河互明滅心迹兩超忽眷然味公  
言性斧豈終伐

重過西菴用張景陽雜詩第六首韻

禪悅老彌戀秋氣今始深精舍寄城曲路記緣溪尋枳

援抽新條柘蔭成舊林  
儵魚驚脫葉幽鳥苔苦吟  
靜窈謝塵軌寂溼傷客心  
金風振長薄隕景翳遠岑  
水波澹容與雲峰幻岑  
峯元棲有夙諾繕性匪自今

陳郡丞

球

命工寫照自題曰本來面目戲呈三偈

一重公案誰拈出七事條衣可著來  
試向雪山叅轉語不教道破只教猜

傅朱搽墨盡登場濕哭乾啼雨不妨脫却蘭陵銅面具  
看君何處畫圓光

四大虛空示幻身時來晏坐算微塵  
傳神特寫西來意笑煞紛紛借面人

風雨甚厲適查編修送酒至用陶連雨獨酌韻

風雨日淒厲足音慳楚然隱几養餘日開卷晞前聞隔  
巷致濁醪歡躍疑登仙壺觴豈爲好奈此慘慄天以較  
東籬人未審孰後先起視庭樹暝飛鳥當來還旣醉復  
爾歌嗒焉忘衰年期我同心友雨止共寤言

檢東坡和陶詩第二韻乃是間字明日雨霽陳相  
國惠致肴核再和一篇

皎日忽已升清風恒惠然意愜視履安蕭散竹石間遠  
晞東林社近擬玉局仙藿食縱無酒亦可全性天猥蒙  
左相愛輒以美饌先口誦滄浪詞手招白雲還醉鄉日

月長遑紀懷葛年此意去人遠思與靜者言

善慶講院示桐谿擲奢二開士

秋寺便幽討城隅徑轉南涼雲開茂蔭清梵散晴嵐  
靈晝詩情美聽殊逸韻參蔬廚吾亦飽竟夕共元談

北道宮聽金道人彈琴

平橋枯澗路漫漫同過仙人白石壇碧瓦日高松鬣健  
綠窗風定鶴翎寒九霄不見瓊章奏三疊偏宜羽客彈  
慙媿上清無路到坐深苔榻怯衣單

七月晦日觀鎮海塔鐙

紺瑩晴懸錯落鐙飛光勢欲替圓冰上方欄檻琉璃映



十地香嚴絡網承出海星毬移閃閃接天烟蓋透層層  
何時心月交相印縛帶來參最上乘

西郭泛舟至春熙門

西郭輕舟發綠流漸向東白蘋花破碎只愛漾溪風

遊安隱寺用昌黎秋懷第三詩韻

山寺窈以深松徑亦孔曼日出權初停廚荒僧已飯看  
松續前塵頰泉果初願濯魄亮見許觀空豈待勸泄靈  
自何年歷劫知幾萬風廊漫經行茶盃互酬獻客來慧  
鳥迎客去秋姑怨

哭趙副憲 大鯨 二首

岩堯梁木竟摧殘老友驚聞淚未乾四海尙知求筆迹  
九京何處挹文瀾猛拋膺仕抽身早痛戀慈闈瞑目難  
從此玉珂消息斷柏臺風勁暮增寒

文場蹀躞御風輕卅載提攜儼弟兄長見殷勤叨齒論  
幾會辛苦役心兵春中頌酒歡猶昨身後銘幽讖竟成  
知已算看寥落盡後生誰識此時情

爲虞山陳

瑞麟

題畫

會巒無雲清若空有樹不宥填青紅何人寫此蕭淡景  
家法母乃雲林翁驚風屑屑漸髡柳邂逅陳遵少杯酒  
題詩惹縮卷還君落日城隅惜分手

題陳

文棟

蕉下撫琴圖

年來種紙漸成林  
暇輒棲毫弄玉琴  
恰好蕭蕭送涼雨  
綠天菴裏寫清音

嶺竹谿湍韻絕哀  
特畱大葉罩蒼苔  
亟呼巧匠修琴薦  
坐待月明元鶴來

海城雜句二十八首

九里高城路舊諳  
五門煙景百厘參  
猶聞嗚咽修川水  
流向空壕照蔚藍

試教出郭便成村  
不養蠶時也閉門  
山插著簪流響珮  
落鴉殘照滿城根

金塘春暖漲晴沙翠岫參差隔岸遮一百里中紅不斷

桃花水上看桃花

常撫軍值桃樹無萬數於海塘今名萬花塘

祀典欽承海浪恬五雲樓閣迴清嚴廊迴爭看劉鑿塑

賺得遊人逐隊添

海神廟象塑極工

高閣凌虛祀水仙幽花姪姹竹澄鮮上頭更著紅亭子

磴道縈紆寫玉泉

水仙閣水石清華可供遊憩

海角崢嶸出異才綠槐陰處澤宮開齋淪半壁青瑤水

窳堵波尖照影來

泮池在學宮外橫廣數畝隔城鎮海塔影落池中鄉人以徵科名之盛

荷傾圓露香漁國柳颺晴絲拂鴨闌占取空亭標絮影

使君遺愛畫應難

兵備官署有荷池柳絲飄拂嚴入畫圖鄂觀察標亭曰絮景

岩堯紺塔倚空冥千級梯桃四百鈴身在碧霄飛鳥背

眼中才見越山青

鎮海塔俗呼占  
鼇塔在海塘

桑陰路轉接魚杠鹿苑三間拓水窗擊漩綠蘋思下釣

忘機先見白鷗雙

塔院後有水窗劉  
大令榜曰濠上軒

紛紛雲錦爛秋旻百頃風潭兩寺分映日赤棠蟲篆葉

一株橫臥礙鷗羣

北西兩寺比連門  
臨池水荷花特盛

罡風時轉石幢稜幢上殘經貝葉膽乞取琉璃換香界

蜂房同綴半千僧

北寺近年始構觀音等殿邑  
乘引舊詩三橋兩寺半千僧

烟寺春陰散曉鐘出簷高樹碧瓊瓏詩人狂負登臨興

一簣扶筇上蟹峰

西寺有土阜號蟹峰山晦  
和尚詩樹影蟹峰寒

宗臣遺像肅清高杜句石座荒涼沒野蒿多謝尊儒劉大

令新祠吹簫薦溪毛張橫浦先生祠在南門一椽僅蔽風雨劉大令守成鼎新之

選士前朝有典刑華棖頓易草空青若非舊史岩堯筆

遺跡誰徵射圃亭射圃亭在惠康橋東北今其址已廢查太史祥有詩紀事

野水瀾瀾百步長擣衣人去石蒼涼秋來絕愛隅陽宅

門對西風薜荔牆明太常陳隅陽與郊宅在燈草菴左流水蔓藤瓊瓏披拂

海波濺沫入高樓樓上風簾盡日鈎待到酒闌高唱發

范雲好句似清秋范上舍鶴年聽濤樓時招諸文士嚮咏

荷花荷葉綠披披亂水奔流赴古陂貪看一雙花鴨戲

斜陽影裏立多時鬪富巷東有荷花池居人即名其地爲荷花池

繞屋栽梅播素風傳經人往講堂空不圖鄭志紛綸在  
帶草盈階見小同

張孝廉次仲注詩易春秋築梅花書屋讀書其中元孫大令天翼能世其業

盡禪書聖兩崢嶸詩味還如醉酒清不是感恩吳順恪

孝廉何地乞餘生

查孝廉繼佐伊璜才擅三絕順恪吳六奇謚也見漁洋山人撰傳

西郭荒廬枕水濱冷吟狂嘯忘冬春北窗一卷珍先澤

辛苦當時炙輠人

朱儒施彥執著北窗炙輠後齋秀才謙以詩名江淮間

俞生冲抱性天全詩格能叅正始前陋巷無人苔上榻

誰將黃憲比顏淵

俞秀才楷甘貧守道不妄干謁詩味醇深五言特妙

黎九詩篇足啓子周髯風調迴誰如寓公更有方山子

樓殷殘鐘讀異書

長汀黎維昱爲媿曾參政文孫周聯舉爲樸園司農文孫江都程塾爲武

岑太守文孫皆寓茲土  
倡酬日富方山並字也

仙歷悠長洞府深鎖窗瓊榭互窺臨松陰日午轉苔石

時有道人彈玉琴

北道宮有道人  
姓金妙琴事

講堂寂寂面城開千佛微塵付劫灰只有清吟兩闕士

鑄金曾祀皎公來

南寺千佛閣東坡有詩今  
廢寺僧懋膺擢奢皆知詩

疏簾清簟鎮相持燕寢同看落子遲記得仙郎誇管領

花封兼轄兩棋師

范施兩生弈品皆海內第一手林風  
溪先生宰邑時嘗邀至官閣決勝

照底清流帶土岡石橋分潑竹招涼謝公絲竹隨烟散

秋鳥銜哀叫樹堂

吳廣文士銓似園近東郭清澗土岡  
顏極野趣中有樹堂花船舞衫歌板



跌宕風騷今已  
爲黃公酒壚矣

雙星隱隱夜迢迢玉磻縈迴烏鵲橋喚取荆巫斟桂醕

叢祠風篠咽金簫

烏鵲橋在縣門左七夕  
爲總管社簫鼓竟夜

西菴池水漾空明月月月圓祝放生恰好經臺雙鳥下

竹籬笆外報秋晴

西菴有池徑畝  
邑人放生之所

方大中丞

觀承

有總督畿輔之

命扁舟往送語

溪途次率呈一章

東山喜靚繡衣裳忽漫金風又判行一夕畫塘陪笑語  
十年丹地記迴翔爲霖已見蘇西浙持節猶煩領朔方  
望裏柘陰濃不斷得公擡眼卽甘棠

和陳沆吳江雪泛

理榜指晉陵溪途溯鷺脰驚風振危柯倒影明遠岫垂  
虹挂湖棧波漩劃圓秀潏潏霰初零招招帆漸收決背  
空四垂快雪掩羣垢清境俗每遺奇福天所佑讓爾哦  
詩人篷底酌重酌

題陳

曉

桃源春泛圖六首

臨平湖水碧鱗鱗天遣天紅作

去聲

好春人面賺他浮一

舸風光冷笑乞漿人

船頭風起怯衣單船尾花飛點鬢殘正好鱗魚初拍岸  
爲君添筆寫漁竿

輕風才過縠紋生柳外歌喉尙澁鶯貪看碧桃紅照水  
不知身在鏡中行

權入花溪宛轉通臉霞好借萬花烘莫欺皓腕嬌無力  
爲泥情瀾不蕩公

淑氣斜連疊嶂煙傍花穿竹恣沿緣風懷絕勝元真子  
不着樵青在畫船

薦紅委地逐東流鉛水潺湲竟未收不合展君圖畫看  
花時官上木蘭舟

時有亡  
姬之感

畱別海昌諸子

沙河百里去非遙黯黯分襟悵此宵戀景天方飛紺雪

道古堂詩集卷十四  
遵塗月恰次玄枵寒廳妙句慚難和祖席貧知喜見招  
醉約周郎連畫舫紫裘烏帽坐吹簫

謂周五雷

贈曹秀才

日銘

問年羨爾方英妙作客憐予久滯滯夢裏有人分綵筆  
愁邊無力贈南金椒盤餞歲飛騰過竹屋拈題仔細吟  
珍重憐才還惜別臘醅今夜試重斟

道古堂詩集卷十四